



---

**- SENAT -**

Broj: 01-22-4/20

Sarajevo, 09. 10. 2020. godine

Na osnovu člana 130. Zakona o visokom obrazovanju Kantona Sarajeva („Službene novine Kantona Sarajevo“, broj: 33/17 i 35/20), a u vezi sa članom 1. Zakona o izmjenama i dopunama Zakona o visokom obrazovanju („Službene novine Kantona Sarajevo“, broj: 40/20) i člana 59. Statuta Univerziteta u Sarajevu, Senat Univerziteta u Sarajevu je na 23. vanrednoj sjednici održanoj 09. 10. 2020. godine, donio slijedeću

**ODLUKU****I**

Odobrava se produženje roka za odbranu završnih radova studenata prvog ciklusa studija zaključno sa 10. 10. 2020. godine, a za studente drugog ciklusa, integriranog i specijalističkog studija na Univerzitetu u Sarajevu zaključno sa 31. 10. 2020. godine.

**II**

Odobrava se produženje roka podnošenja prijava za upis na drugi ciklus studija za fakultete/akademije na kojima se ne održavaju prijemni ispiti, ili su prijemni ispiti okončani, odnosno na kojima nema potrebe za produženjem termina za prijemni ispit zaključno sa 13. 10. 2020. godine u 23:59 sati.

**III**

Za fakultete/akademije koji imaju potrebu za produženjem termina prijemnih ispita za drugi ciklus studija, prijave se primaju do 11. 10. 2020. godine do 23:59 sati. Prijemni ispit se ima održati zaključno sa 13. 10. 2020. godine.

**IV**

Preliminarne liste kandidata za drugi ciklus studija i specijalistički studij za sve fakultete/akademije se objavljuju 15. 10. 2020. godine.

Žalbe po preliminarnim listama se primaju od 16. 10. 2020. do 18. 10. 2020. godine.

Konačne rang liste studenata koji su stekli uvjete za upis na drugi ciklus studija i specijalistički studij objavljuju se 19. 10. 2020. godine.

Upis kandidata po konačnoj rang listi bit će realiziran od 20. 10. 2020 do 26. 10. 2020. godine.

Revidirana rang lista bit će objavljena 27. 10. 2020. godine, a upis po revidiranoj rang listi će se realizirati od 28. 10. 2020. godine.

## V

Početak nastave na prvoj godini prvog ciklusa studija, integriranog studija i stručnog studija je 12. 10. 2020. godine.

Početak nastave na višim godinama studija je 19. 10. 2020. godine.

Početak nastave na prvoj godini drugog ciklusa studija i specijalističkog studija je 26. 10. 2020. godine.

## VI

Ovom odlukom stavlja se van snage Odluka Senata Univerziteta u Sarajevu broj: 01-21-253/20 od 30. 09. 2020. godine.

## VII

Zadužuje se Služba za nastavu i studentska pitanja Univerziteta u Sarajevu da u skladu sa Zakonom o izmjenama i dopunama Zakona o visokom obrazovanju i ovom odlukom izvrši izmjene i dopune Akademskog kalendara Univerziteta u Sarajevu za studijsku 2019/2020. godinu i studijsku 2020/2021. godinu.

## VIII

Ova odluka stupa na snagu danom donošenja.

**REKTOR**

*Prof. dr. Rifat Škrijelj*



Dostavljeno

- Fakulteti/akademije UNSA
- Ministarstvo za obrazovanje, nauku i mlade Kantona Sarajevo
- Univerzitetsko-teleinformatički centar
- Službi za nastavu UNSA
- U dokumentaciju Senata
- Arhivi